

Sining

Mennonite Church Eastern Canada cu mibu aa cawhmi

Pathian dawtnak nih a thlenmi

Zisuh sin i kan hmuhmi ruahnak nih thazaang a pekmi

Thiang Thlarau thawnnak in cawlcangh dingah kawhmi a si.

Pathian nih Mennonite Church Eastern Canada cu Anabaptist Mennonite church si dingah a kawhmi; Mennonite Church Canada le Mennonite Vawlei cung pumpuluk Tonpumnak ah biakamh cangmi riantuanti hawi pakhat a si tiah kan zumh. Hihi cu tuanbia lei tuahtawnmi aa pehnak a si i thuk deuh in a langhtermi cu: Zisuh cu kan zumhnak ahrampi a si; mibu cu kan nunnak ahrampi a si; i iremthannak cu kan rian i ahrampi a si. Mizapi i mibu pakhat bantuikin, vawlei cungah Pathian i a rian tuan ve dingah kan kawl, cathiang chungah langhter a si bantuikin, Zisuh ah a langmi Pathian i dawtnak laksawng lehnak tuah dingah minung dihlak forhfial kan si.

Tinhmi

Peng chung khrihfabu pakhat bantuikin hmunkhat ah kan ra:

- biaknak, zultu sinak le rammui riantuannak ah **mizapi thazaang thawnter** dingah
- ruahchannak, tinhmi le thlennak i **hruaitu pawl thazaang pek** dingah
- sermi dihlak caah **Pathian i iremthannak rian kha pum in langhter** dingah

Biapi ah chiahmi pawl

Dawtnak – Minung dihlak cu Pathian hmai ah aa tlukmi le limhang ngei kan si i Pathian muisam in sermi kan si.

Thlarau mi sinak – Biaknak le thlacamnak nih Pathian dawtnak ah a kan chiah i Thlarau lei cawlcanghnak ah a kan pehtonhter.

Thlennak – Kan nunnak chungah le vawlei cungah Pathian nih a tuahmi hmuh ding kha kan duh tuk.

Mibu – Midang pawl he ipethlainnak ah kan thangti, kan cawngti i a thabik in rian kan tuanti, hmunkhat tein Pathian awn-aan kan ngaiti.

Conglawmhnak – Pathian i velngeihnak cabuai ah aho paoh don a si.

Daihnak le dinfelnak – Sermi dihlak caah Pathian i daihnak chungah kan nung hna.

Kan sining, tinhmi le biapi chiahmi pawl cu saduhthahmi chungah hmunkhat ah an ra hna i Mennonite Church Canada bantuikin rampumpi huap in kan itlaih:

Pathian nih Zisuh Khrih zultu si dingah a kan kawh i Thiang Thlarau thawnnak hmangin velngeihnak, lawmhnak le daihnak i mibu pawl bantuikin a kan thanter, cuticun Pathian i damternak le ruahchannak kha kanmah hmangin vawlei ah a luanter.

Kum 2022-2027 caah tuahting ah a bia pi mi pawl

- **Thlennak Dothlatnak:** Cawnnak, thanchonak le icawnkhawhnak lei nunphung zohkhenhnak in aa thlengmi khuacaan dothlat dingah khrihfabu cu timhtuah a si. Hi ah hin Zisuh hnuzulhnak i a thar langhternak pawl hmuhchuahnak le khrihfabuu hmunkhat tein umnak aa tel.
- **Hruaitu pawl Thanchoternak:** Hruaitu sinak thazaang thawnternak le zumhnak sersiamnak, khrihfabu dirhkhawhnak lei an rian, Pathian bia in cawmkennak lei rian le chungtel lak i hruaitu sinak rian tuanpiak dingah pumpak pakhat cio a herhmi thilri he timhtuahnak.
- **Zultu sinak chunglei in tharchuahnak:** Zultu sinak chunglei in tharchuahnak le zumhnak sersiamnak, le hruaitu sinak lei thanchonak caantha sunglawi pawl ah mino le mino upa pawl iteltumnak lei bawmhnak ah mizapi le riantuanti hawi pawl he hmunkhat ah riantuanti.
- **Idannak Cohlannak:** Pathian minung i idannak le rumnak hmuhchuah dingah khrihfabu cu sawm le zuamcawh a si. Aa dangmi, dihlak aa telmi le nunphung karlak ah khrihfabu takpum si dingah kawh auh kan si bantu kin kan thinlung, ruahnak, pawlisi pawl le umtuning pawl i thlennak kha hi nih hin a herh lai.
- **Daihnak le Dinfelnak Kawlnak:** Mizapi nih daihnak le dinfelnak kongkau pawl ah iteltum dingin bawmhnak le thilri peknak cu Anabaptist-Mennonite pathian kong cawnnak ah ahram aa bunhmi a si. Mi hmasa khuasatu ipehtlaihnak pawl, khuacaan lei cawlcanghnak, nunphung karlak thiltikhawhnak lei sersiamnak le miphun thleidanlonak pawl kha hi caan caah ihmaithlak dingmi hmuhma pawl an si.